

安徽省縣志輯

中國地方志集成

安徽省志(一)

# 中國地方志集成

安徽府縣志輯 ①9

同治六安州志(二)



江蘇古籍出版社 ● 上海書店 ● 巴蜀書社

六安州志卷之三十八

人物志十二

義行 英山

國朝

程天申字聖明邑庠生諳韜畧饒膽力時土寇充斥申充練長馭鄉勇數百人甘苦與共訓練多方人皆樂為之用賊魁皮裘恣為鹵掠邑罹其害出奇計擒之餘黨悉平

馬騰衛字雲達邑庠生少孤撫於兄嫂奉事惟謹性豪

六安州志

卷之三十八

篤行

一

俠好義戶外屨常滿與人交不設城府晚年施耜瘞骸賑粥救饑設渡濟河人皆德之

程鼎字允士伊川先生裔康熙辛酉武舉少刲股愈父

疾與兄鑑同居稱友恭族中孤弱者撫之為助婚嫁

資誦讀夏逆之變斬水李令聞鼎義俠託以妻子鼎

厚待之嘗拾遺金訪還其人

王道大字叔智貢生天性孝友動必循理斬水程鄭兩

姓因貧驚媳為指貨贖還黃州太守薦之督學衡文

諸生梅三畏等十六人以後期誤者被褫為懇補試

得免褫三畏等知之踵門酬謝不受

鄭同鼎字夏煥庠生少孤撫於節母蕭讀書勵志率德

不倦至誠待人於族中勞獨尤力為經紀勿令失所

一切皆體親志用相怡悅年八十餘無疾而逝

鄭同鼎字臺友少孤事母孝與兄同書同鼎友陸歿齒

無間歲歉慘捐困以助貧乏時嘉其行

江冀日字淵若增廣生年六旬猶逮事父母承歡養志

弟早歿孤纔兩月弟婦堅守撫之同居數十年戚黨

張某幼失怙恃撫於家為婚娶舉鄉飲介賓

六安州志

卷之三十八

篤行

二

李常豫字建侯邑庠生謙恭篤厚有里人遇難鬻子夫

婦哀泣捐金贖之兼給衣食鄉鄰有不率教者多方

勸飭卒歸良善縣尹高其行贈德可型俗匾額

鄧林植字翹生庠生事兄林植克恭雖析產不以自專

兄歿撫猶子及諸孫無異己子孫性儉樸粗衣糲食

篤族賑貧則解囊不吝年七十一卒

沈三璋字韋玉貢生喜讀書自制藝及詩古文詞皆研

求精與族有孤女撫如己出擇婿嫁之里有富而無

嗣者欲立異姓子以多金屬為成其謀拒弗納乃立

藝文

博有鐸字天木貢生力學工文善草書旁通岐黃精詣青烏兄歿撫姪如子歲歉指囷周急時稱長者

金伯爵字亞侯性純謹重然諾慎取與遇人渾渾不見圭角伯兄嫂歿遺子襁褓復遇危疾殫心調治得生與仲兄同居友愛下帷攻苦至老不倦

葉自秀字子茂兄早歿三子俱幼嫂傅氏苦節自秀撫姪若子教之讀書嘗就學數十里外為親贖薪米兼考課程家計不以分姪心後俱列庠序均畀以田宅

六安州志

卷之三十八

篤行

三

時稱長厚

程光伊附貢生雍正間歷任兵馬司正指揮竭力供職告歸樂施好義週歲歉命次子州同明檢減糶濟貧且給衣米全活甚眾撫憲范英山知縣童宏先以誼敦任郵惠周梓里旌其門

程明懷太學生光伊第五子敦行孝友父歿析產兄附貢生明接以食指厭不給懷聞即以田稞百石讓兄季弟林因舊居狹隘欲更換塋懷助以田稞百石銀三百兩不足復給以穀三百石而屋始落成英邑向

例輸充戶役安里二甲鄉民多不願充懷捐田稞三十石存公為每年戶役費里人德之顏其門曰克肖其德

段肇仁候選州同年十五失怙事母孝捐資置產為祭費子祚炳太學生承父志於雞兒河捐基建祠設立規條聯睦宗族復經營千餘金以充禮祀之用弟祚煜候選經歷司共襄其事

鄭元昆字明若監生銓縣丞尋授山西大同府同知少孤事母張以孝聞兄弟多早喪撫諸姪如子敏達嗜

六安州志

卷之三十八

篤行

四

學工書法族中子弟能讀書者聚之家塾延師助膏火多所成就生平慷慨好義嘗捐田備闔邑試卷凡歲辰必竭貲賑卹有司屢旌其門卒於官著有敦本堂詩集子一坊品學並重丁酉舉人一增貢生

沈宗洛字聖水太學生事親孝父病急嘗糞甘苦及歿哀毀中禮順治八年黃岡大饑士民就食者四百餘家宗洛計其戶口散穀七百餘石後為大盜所誣逮至黃士民奔府具保者一日千餘紙太守知其孝義釋之子孫俱遊庠序

段再透樸實厚重幼嗜學年十八補諸生兄弟四人逸居長父遺產悉讓於弟貧苦筆耕生平多善行

段再聖庠生性長厚田產多與本支耕種鄉鄰貧乏者出家厥周之製良藥濟人不索值足不履公庭族人推為家督母病刲股和藥進之知縣旌其門曰善蓋

一鄉

沈詩用字方介監生事親孝兄弟同居數十載無閒言析居時出其私產奴婢共分終身不入公庭設藥局修橋路知縣鄭重旌之曰德行可風

六安州志

卷之三十八

篤行

五

馬世銳字利菴二歲失怙母余矢志撫之性孝友捐置祀田數百石又承母志亦捐田數百石於余氏祠又修西門外石橋費數百金他懿行視此郡守州牧皆額旌焉

程光治字舜也庠生康熙丁酉拾遺金一囊於城隍廟側訪失主還之嘗助兄光潤田二百石銀一千二百兩與幼弟光濂友愛尤篤邑中重修學宮城隍廟皆督領捐助士民無不推服

沈詩俊例貢生考授縣丞少孤事母鄭盡孝捐置祀產

三百石建菴宇二又捐銀一千五百兩修瓦涼亭險道數里親鄰無告者推衣食周之子八人孫二十四人多以文名

姜志隨字公望監生考授州同好施與置義田八十石為通甲公費至於贖人子婦恤孤幼助婚娶施棺藥義行甚多

沈楷字魯木豪俠好義斬水劉雲采借本貿易被盜無以償情急投水楷見之間所負者子母合百二十兩即代還朋友親族貧乏者每捐財穀濟之子詩融考

六安州志

卷之三十八

篤行

六

投經歷詩三庠生方宗隆監生恂恂鄉黨無間言尤慷慨好義族里貧者冬給錢米夏給種穀婚葬事解囊不吝康熙己丑歲大飢有穀六百餘石悉為給散年逾五十取積券悉焚之六十二而卒

彭佳彥字嵩望庠生選授州同睦族恤老時集無告者養之焚燒積券不令人知嘗曰財為用物慎勿為守財奴歲歉輒散之以濟貧困

段鴻庠生少孤事節母孝嗜學能文性好施於里貧者

者多沐其惠城中每大興作捐貨不吝子祚論亦偶儻慷慨有父風

王守邦字懷萬好善樂施捐置西門外地爲義塚野鮮暴骨皆其賜也鄉里津津道之

段祚論字書升監生孝友傳家尤慷慨有氣節以事赴州路宿蘆草塢是夕旅次失火傾所有給之又於途拾得川商遺金三百兩反之狀聞刺史金宏勳命入見極爲稱賞子四俱入宮牆

方先與岸生性渾厚邑稱長者年飢盡出所有穀給鄉

六安州志

卷之三十八

篤行

七

里全活甚眾時修橋梁道路孤苦貧困者有求輒與子宗隆亦慷慨

鄧林棟貢生樂善好施嘗收讀書貧士捐貲教育歲暮施衣粥每冬約費百金里人稱之

彭其和字甫平性明敏嗜古不倦卒蹟文場遂畧時藝專以考據爲學或勸入成均應鄉試答曰豈爲功名始讀書性尤慷慨有女子乞於門語異音詢所自女云孫姓世居陞因夫以訪友赴川未歸適遭水災流落至此和憫之養於鄰媪專丁尋得其夫携女歸故

里焉

王天興廩生性耿介遇人急難不惜竭誠以救康熙時連水旱里人多鬻其妻與出金贖還之無德邑族中子弟有貧不自給者尤力加培植

胡廷鄉職員性好義家有餘糧減價出糶梓里咸慕其德贈額曰厚德載福卒年七十三

張道和性厚樸喜施鄉里稱貸多不索償遇公事努力趨赴多所賠累倡修茶園嶺路置涼亭至今賴之

安詩環詩南俱監生性慷慨好義樂施捐楊樹溝六斗

六安州志

卷之三十八

篤行

八

斛田稞六十一石花稞十一劬於北防嶺新建瓦屋三間永遠施茶行人咸感

鄭昌寶昌齡皆附貢生少孤友愛孝事節母讀書立品周恤寒賤乾隆二年其曾祖原任山西大同府同知元昆捐合邑生童試卷田六十石後田被水傷其祖乾隆丁酉舉人一坊換捐田稞六十石花稞五十劬復因應試人多寶兄弟承先志於道光十年續捐田稞四十石  
余善福字季和監生性友愛喜施與胞兄廩生吉早卒

撫孤姪舉人維耀庠生鶴書如已出教養極盡其道  
姪媳傳貧寡無依代置產立祀全其志節內弟沈盛  
杠十二歲而孤其子亦三月而孤俱撫養以成婚生  
平所爲人多善之

葉榮浦字南濱監生少孤事母孝母壽百歲時浦已八  
十猶割股救母生平端重坦易捐葉家舖田稞二十  
三石入宗祠每歲暮分給貧族鄉鄰窮乏者亦多周  
卹捐粟十六石爲修葺以濟渡捐粟十六石於海慈  
庵爲敬惜字紙費與妻匡氏俱年九十一而卒

六安州志

卷之三十八

篤行

九

金紹杰字學南性聰穎工詩文著有怡園集慷慨好義  
修金家舖板橋捐田稞八石爲修理看管費

王善推字篤祜績學人成均 誥贈朝議大夫存心立  
品足不履城市里人有紛難曲爲排解戒以勿訟至  
修宗祠培祖墓倡首捐貲督辦及功成退居人後邑  
中咸稱焉子以成庠生克承父志孫曾多列庠序長  
孫葆修由進士官刑部主事

胡華能監生品行端正常製丸散隨時散給不取償素  
精岐黃術每遇里中患疾徒步往視寒暑不辭有以

金謝者辭曰吾行方便耳豈爲此計遠近欽之

段芳悌字訪知監生 誥贈奉政大夫勤儉寬忍有古  
風尤慷慨好施嘗捐本邑南門義渡田稞十石二義  
渡錢四百串田稞二十五石鄉試油燭費田稞二十  
石

葉鳳翔字繼志庠生性孝友撫孤姪如已出其姪授室  
後與之均分田產年八十五無疾而卒

六安州志

卷之三十八

篤行

十

明

王文聰字子章段庭竹字伯堅明初紅巾賊犯英山文

聰庭竹募鄉兵戰於陶家坊賊潰追至黃岡獲渠魁

四十八人解赴京師洪武二年授以官職辭不受太

祖勅賜獎勞附明太祖賜王子章段伯堅楚祿誥王

為我國擒挈作亂奸雄親解赴京真義士也朕念

爾勞苦授爾官職爾乃再辭不受只願歸去保障地

方給爾衣帽緞帛酒肉歸家莫分爾疆我界倘有餘

黨未靖與我一名一名等來那時還有大塊金銀賞

爾子章欲將疆外祖產並為一處供祀於今天下成

法已定難以更改賜爾楚祿二百二十石正納新取

六安州志 卷之三十八 義舉 十一

秋糧應當英山差役那里官司里老母得生

事擾害但有干已事情許爾親自來說救勸

金子旺景泰六年英大饑捐穀一千石助賑勅賜冠帶

榮身

傅月敦景泰六年捐穀六百石助賑有司以聞勅賜義

官徐滄海捐穀三千石助賑奉勅建坊旌表

傅武蹟月敦子居羅家田沿河田六百畝通族所倚每

患水漲為捐貨築堤濶五丈長八里鄉人義之名曰

傅家壩萬曆四十八年蛟水潰隄遂廢

-6 116 38 466" data-label="Text">

姜宜那顯忠等萬曆九年饑共捐穀四千石助賑

余文福余文義等皆鄉民值流寇之亂捐貲立朝陽砦

保障一方居民賴之

江水壽明末流寇盤踞英邑永壽出家貲修砦保障地

方有貢生劉某避難羅邑土人誣執為賊壽力救獲

免咸高其義

方義貫景泰時人性仁厚好行其德嘗捐修三通橋凡

邑中大創建傾貲助費碑石俱存

國朝

王道大字叔智貢生蘄水程鄭兩姓因貧鬻媳為備貲

六安州志 卷之三十八 義舉 十一

贖還

李天錫字瑤木歲貢生性純樸足不履公庭康熙壬戌

鄉里荒歉捐米穀拯之家財幾傾

李常豫字建侯庠生謙恭篤厚有里人遇難鬻子夫婦

哀泣捐金贖之

段鵠字羣宗臨財不苟康熙三十一年蘄水涂楚占於

滾石山均失銀五十兩為鵠拾即以還之子祚誠祚

諸俱人邑庠

金元碧字石美監生少孤家道中落能自刻苦以致豐

裕性樸儉與人謙退緩急告者賑貸不吝未嘗責償  
沈榮字武木廩生鄰民有鬻妻償債者榮以產質金五  
十贖歸其夫

方先與庠生年饑盡出所有穀給鄉里全活甚眾時修  
橋梁道路孤苦貧困者有求輒與有子四列庠序宗  
曦尤端厚有父風

王守邦字懷萬好善樂施明天啟二年捐置西門外義  
地

徐在鑽字鍾南敦行陸族率族眾大楷大椿道淵道煌

六安州志 卷之三十八 義舉 三

等捐義田七十三石以贍貧窮

六安州志

義行 霍山

明

孫輅居家孝友措履端方尤輕財嚮義勇於赴公嘗獨  
造孫家橋督修明倫堂購石甃泮池天橋出價贖贖  
宮外泮津津在人口舉鄉飲賓名列明倫堂碑記

張鹿鳴字舜遊性慷慨倜儻有聲藝苑萬曆辛丑覃東  
朝恩以明經授山東青城訓導不計餽贄且分俸以

助寒士器重楊生夢哀期其遠大夢哀家貧親喪厚

六安州志 卷之三十八 篤行 南

賻安厝後登第館選鹿鳴茹藥下帷勵志如諸生領

山東鄉薦遷儀徵教諭課士範俗倡以樸素聞言人

過輒爲掩耳陞廣東遂溪縣令檄未至以外艱歸哀

毀致疾踰月卒

國朝

姚宗舜字又升庠生少孤事母以孝聞居平以程子四  
箴自勵雍正丁未秋蛟水暴發廬舍漂沒近村只一  
高阜村中婦女先集其上及水勢愈劇男丁競趨之  
舜不欲混淆雜處遂致獨溺水退後三日家人覓其

尸猶倚樹端坐面如生

葉梁字柱南庠生孝事繼母與堂兄衡南親愛如同父自幼至老出入必偕憂樂必共家止中人賞能恤貧寒矜孤寡每歲終出穀周濟鄉里愿廿餘年如一日金贊國字參兩生而穎異弱冠補弟子員沈心經史下筆千言同胞四人伯仲季皆早逝贊國以一身肩其任絕者繼之幼者撫之皆賴以成立卒年八十有三沈素齋字士珠性純篤事重閨能養志父患足疾親嘗湯藥朝夕不離左右愿三十餘年如一日父歿居喪

六安州志

卷之三十八

篤行

五

哀號葬祭盡禮子四人嘉慶元年以五世同堂賞銀級粟帛等物卒年九十一

王正道字在東純篤性成少孤每出入必向父神主啼泣揖拜稍長見母老督理家政甚艱遂棄儒業時倚左右以承其歡母歿喪葬盡禮生平睦族和宗扶危濟困凡屬義舉無不踴躍卒年七十有三

程大均字右衡弱冠入庠鄉試薦不售遂教子課孫以詩書自娛乾隆乙亥歲歉邑令張延請辦勸捐事均先盡輸已穀轉於英邑羅麥自度邑眾感其誠無不

樂輸全活甚眾

余道整字光斗庠生九歲而孤奉兩孀母訓植品端方治家有法嫡母程卒泣涕流血期年不茹葷酒弟舒析居積逋成累家資中落整復與合爨不蓄私財撫諸姪如子子常泗廩生

戴正懋字朝臨僮童孔煽子幼務農性篤實耽學居恆父訓以詩書大義悉謹識之弗敢忘專事母亦務博歡心父歿旦夕哭泣不茹葷酒及葬去家數十里廬墓三年時論嘉之

六安州志

卷之三十八

篤行

六

劉維屏字建侯號樹堂家貧潛心績學事繼母盡孝弱冠補弟子員食廩餼屢躋南闈竟不永年人共惜之李煥字惠芳聰穎過人性不樂進取居家篤於孝友昆季有議析居者泣述先訓喻之乃止妻有奩資百餘金置產公之鄰有貧者袖金給之不以告局戶四十餘年浸淫卷帙尤邃於易孫會多列膠庠食廩餼者戴柱字蒼擎監生性樂善父監生繼祖欲修祠譜未果柱捐重貲成其志族孫正繡因貧廢學招至家中使讀遂得名乾隆乙巳歲旱捐粟助賑族鄰借貸難

償歲終焚其券偶買婢詢有婿欲還之恐卒莫保俟歲熟訪其婿而與之給以衣錢卒年七十五

戴榜字玉樹貢生天資腕擊雍正年間赴廬州試拾遺金百兩俟其人至還之

朱湛字澄安增生淹貫經史性不樂進取以孝友爲家政族黨式之輕財好義邑有義舉樂輸贊襄若鄉里推解之惠難枚舉也王某買葬地掘之不吉以原金還之無吝也竊樹者相戒無入湛山族鄰或因事忿爭輒悔曰我輩如此何以對長者尋解釋足跡恆不

六安州志

卷之三十八

德行

七

入城市惟家居課讀而已卒年七十八

程紹儒字師川幼讀書能文不求聞達善岐黃術拯危濟困不責報修橋路廣推解排紛難訟行重於鄉里年九十餘無疾終

沈玉堅字含貞監生父焯樂善好施堅承其志不懈友愛昆季視諸姪如子族黨有因事忿爭者斥之無不允服邑有公事身肩之雖耗資不惜也有陳匠者母病缺養又爲債累將鬻妻堅給數十金得全之王某負金以房質堅值歲饑堅以契還之令別售其家賴

以全活然事過輒忘不求報云

李燦監生重義疏財嘗兩拾遺金皆還諸其人又屢殯友之無歸者乙巳歲饑捐貲賑之多所全活五世同堂卒年九十有九

吳正沅字右泉少應童子試有文名弱冠以家貧棄儒業就賈經畫二十年夙負盡償卜宅兆營葬祖父置祀田有餘貲卽周貧乏教兩弟讀書成名嚴毅中不失友愛邑人稱之

六安州志

卷之三十八

德行

八

慷慨好施與遇歉歲族戚咸賴之今孫曾林立食廩餼列明經者比比焉

石達銘字孔書少失怙昆季五人家七十餘口母老多病銘仰事俯育無閒言置祀田捐祠產設義渡千金無吝色道光十六年本邑重修學宮銘倡捐制錢一千串碑記仍用其祖儒藻名謂承先志也卒年七十有八子金奎金麟均監生克紹其志

沈尚峻字鏡懸監生少孤出嗣事母與本生母俱得歡心善幼科診視不取謝遇貧乏者施以藥喜談忠孝

節義事臨卒集子孫於榻前聚鄰里通券焚之娶鄭氏亦賢而孝姑性嚴急呼之應稍緩輒怒不解氏必長跪請罪命之起始起隨以青線繫右指名爲恨罪線以自警今孫曾多列膠庠者

余天遜監生孝友篤行居鄉里訥訥然如不能言遇公事慷慨任之捐千金不辭乾隆間獨修學宮戟門後裔貢生活州同蔭遐庠生志剛惟寅貢生濂從九克恭議叙萬育等均克承先志疊任獨修

余志迥增生幼嗜讀鄉有爭訟者必勸息之恤孤寡賑

六安州志

卷之三十八

篤行

九

窮乏數十年弗衰邑有修建大工皆慷慨捐金以爲倡年八十餘終日手不釋卷

余蔭遐候選州同性慷慨喜施濟先世樂善不倦蔭遐克濟其美戚鄰有以困乏告者助之無吝色至於捐祀田培祖墓雖千金弗恤人咸服其善用財云

沈盛時字翠槐貧甚冬無綿竭力耕田妻黃氏紡績助食家漸裕常以敦睦濟急爲心族人將結訟爲宛轉息之從兄弟互爭產止之不聽出已金予之復不足乃贖金以寢其事道光癸卯歲大飢減食均糴飢民

持農器易粟者環於門傾囊遍給之同治元年邑人將舉時孝廉方正固辭不就夫婦齊眉俱年八十子德馨庠生保訓導德著縣丞

黃繼舉字殿揚監生性孝謹仁厚事繼母尤恭順嘗有黠者訟舉於官誣陷者凡九次不一較卒使愧悔歲荒貴糶賤糶歲底仍以錢米出貸不責價鄰里賴以生者不下數百家卒年七十四

汪興棟字隆吉監生性耿介嘗貿易漢口拾白金百兩守之其人至詢實還之不受謝族有子弟性敏而貧

六安州志

卷之三十八

篤行

十

爲出脯資與己子同讀俾就於成道光二十三年大饑罄倉米以濟戚鄰咸豐六年避亂入山者咸得其關濟鄉里頌之

熊之仁字佑貴重然諾慎交接見義必爲道光初邑建雲程館仁捐田五石爲之倡邑南管家渡初無船仁慨捐銀數百金并於太陽保買田租八石以爲修造橋梁及渡工費每歲荒減穀價以蘇窮困邑人稱之袁期惠庠生性誠篤品端方居家以孝聞戚里有貧乏者時關濟之本邑有大公不惜捐重貲以相表率前

後計不下千餘金其子候選同知檢沅克繼其志

吳廷桀字步方國子監典簿性穎悟儻不羣事親能

曲意將順博歡心族中有貧乏月給錢米數十年弗

倦邑有公事悉身倡之捐多金無吝色亦無德色美

悉歸其先人故碑記中每無桀名云

葉時昌字蔚然幼失怙事母克孝性慷慨好施尤喜行

陰騰事嘗有通官稅者將鬻妻昌出銀解之不以姓

名告平時不履城市居家教耕教讀外即以孝弟事

與子言之娓娓子泰階監生以軍功保典史季子晴

六安州志

卷之三十八 篤行

三

嵐庠生

彭恆超監生品行端方性情樸實居城市衣食從儉然

遇有公事輒不吝解囊邑西太子廟隳石爲英霍

孔道每淫雨泥淖沒蹠超召石工修理平坦計費五

百餘金行人頌之卒年八十七

沈賢禮字飭堂篤實渾厚慷慨性成其先世有令德禮

兄弟皆克繼之修橋梁平道路歲費數百金自幼至

老弗衰晚年喜出遊遇乞丐必一一周給之族戚有

貧乏者親詣其家問之給以錢米雖轉貸弗恤也每

歲終製綿衣百餘襲散孤貧者子監生道洋承父志

嘗爲加製百襲以供其施卒年七十二

六安州志

卷之三十八 篤行

三

六安州志卷之三十九

人物志十三

隱逸

齊

何求字子有偃弟子也宋元嘉末為文帝挽即歷太子

洗馬丹陽郡丞太子中舍人泰始中除中書郎不拜

恬退無嗜欲隱居山中足不踰戶入齊永明四年武

帝以為大中大夫不就卒年五十六與弟點眉世稱

為何氏三高

六安州志

卷之三十九

一

何點字子哲求弟博通羣書不入城府而喜遨遊或駕

柴車躡草履恣意所適致醉而歸兄求卒點菜食不

飲酒三年腰帶減半與陳郡謝淪吳國張融會稽孔

稚圭為莫逆交豫章王命駕造之從後門遁去入梁

武帝與點有舊徵為侍中點持帝鬚曰乃欲臣老子

耶天監二年卒

舊志

何胤字子承求弟年八歲居憂哀毀若成人既長學師

沛國劉瓛瓛與汝南周彥倫深器異之起家秘書郎

為建安太守有恩信民不忍欺每伏臘放囚依期而

返入為尚書三公郎不拜註易又解禮於卷背書之

謂為隱義累遷國子祭酒常懷止足築室郊外曰小

山胤兄求點竝栖遁求先卒至是胤又隱世號點為

大山胤為小山入梁詔為特進光祿大夫不就給白

衣尚書祿及庫錢竝不收何氏過江自晉司徒充竝

葬吳西山胤遺吳作別山詩甚悽惻中大通三年卒

年八十有六著書甚多子選亦隱不就辟

舊志

明

康持字敬夫自幼嗜學不求仕進鄉評推重

六安州志

卷之三十九

二

何路字良玉廩生宏正間九俊之一清介不苟歲薦不

仕

朱一莊字克疆博通經史潛心理學九俊之一鄉貢不

仕隱居南山歐陽文莊公德深器之為作樂道堂記

趙驥庠生讀書敦行不求聞達遊學桐城資於馬家馬

姓裔孟楨號六初萬曆戊戌進士太僕卿雖世居桐

巷念桑梓嘗命子定陶令之瑛過六展墓會饗宗黨

敦厚猶沿舊習康熙己未會元教思孟楨曾孫也

國朝

楊行達字達可侍御四知長子性孝友以父卒王事伏  
闕請贖事母育弟曲盡其誠明季選貢不復受職謝  
絕人事隱居著書

楊行孚號鶴田行達弟謹飭恬靜雅善臨池乞書者戶  
履常滿壯歲應貢無仕進意簪冠芒屨遊諸名山講  
吐納術年六十猶童顏一日方觴詠端坐而逝

匡山庠生事繼母王氏鄧氏俱以孝聞隱居山谷墳典  
自娛尤精理學無心世事時論高之

吳民懷字德卿明季諸生幼負經濟才中年不樂仕進

六安州志 卷之三十九 隱逸 三

卜宅於龍山之西構自同堂藉詩酒以自娛時稱高  
尚

江有源字屏南羽儀諸生泊然寡營已而謝鉛槧不入  
塵市惟與二三知舊觴詠園亭教子總尊師重友務  
令集益得成武進士

汪樸字石林爲人謹然諾不苟取與先世多以仕宦顯  
至樸獨淡於功名以丹青自娛評者謂其山水宗法  
北苑高潔處尤類其人卒年七十有六

王近仁字力行號問樵性豪放不求仕進喜遊歷齊楚

吳越諸名區足跡殆遍工四體書法與所爲詩文畫  
皆具有英氣蹊逕迴不猶人尤精刻竹然非其人不  
苟作囊囊空虛泊如也以故所至名卿士爭延致之  
得其寸製以爲重晚年築廬城南嘯歌自得卒年六  
十六著有印譜行世

吳必勇字松亭胸襟灑落有飄然出塵之致爲文清氣  
往來味隽永耐咀嚼詩詞雅近六朝不落時俗弱冠  
一試不售意遂絕越十年友人約復赴試松亭謝以  
詩云幾度臨粧幾度愁紅顏已老鏡中秋十年待字

六安州志 卷之三十九 隱逸 四

無人問再畫蛾眉也自羞其恬淡高雅如此善丹青  
人爭寶之以素性孤潔得者甚鮮晚年益肆志林泉  
以詩酒自怡悅杜門謝客不復談人世名利事年六  
十餘自畫蘭竹寫照空谷足音蹙然不可聞矣

徐大亨字逸仙庠生少富文藻性豪宕不羈工古今詩  
下筆千言立就不存稿以酒自娛晚精易理筮多奇  
中然不易得也老境坎坷冬無褥夏無帳得錢惟沽  
酒飲浩然自得人莫測其際

汪恆嶽逸其字家貧力學夏夜於帳中篝燈讀書試弗

售遂絕意進取筆瓢屢空晏如也性愛山水遇佳處輒臨眺移時不忍去窮年足跡不入城市然清不絕俗和粹之容藹然可挹村夫牧豎皆知愛敬之博極羣書尤邃於易於卦變錯綜大旨明白曉暢爲人講說雖愚鈍亦能使解悟嘗言天下事物人身動靜皆有卦象存焉吉凶休咎以易推之百不爽一工古體文所作夷齊論文中子論筆意絕類王半山詩筆雅淡不爲鑿幽離險語其村居有句家住荒橋楊柳邊無榮無辱樂堯天可想見其胸次云

六安州志

卷之三十九

隱逸

五

鄔正元字體仁善星卜尤精岐黃業用藥多奇效活人甚眾不受謝寄興高雅置別墅植奇花異草數百種手自灌溉或焚香鼓琴拈毫索句期適興而止視當時榮利泊如也年七十有四無疾而卒

夏日長字龍門諸生性方嚴敦品立學不隨時俗工詩書法尤臻絕詣授徒自給徐水部啟山初從之游逾數年長入城山以歲試所爲文進質閱之不嫌訶令長跪其真摯如此後以困頓抑鬱邁狂疾歌哭不常人莫能測或徑出數日不返荒蕪廢寺村墟市井任

所棲止人謂之爲瘋遂以鳳自號顧其詩益溫純作字更出神人化求書者率不應與至則向人乞紙爲書頃刻竟數十幅書竟則悉取而毀之後有欲得其書者備楮墨於前伺其揮毫一紙竟卽持匿他所以是得毋毀而其書遂可得而不可得矣今藏其遺蹟者殆珍如拱璧云

六安州志

卷之三十九

隱逸

六

六安州志

隱逸 英山

明

張崇能參政子貞第四子性孝友工吟咏隱居滿溪不

近流俗時稱高蹈

蔣宗成化中貢生授蘄州判不樂仕進致政隱居投徒

講學以終其身

國朝

段一定舉人繼明之後天性孝友家學淵源四方之士

六安州志

卷之三十九

隱逸

七

負笈從遊者眾明季喪亂族中子女多流離失所為

捐貲贖歸三十餘年絕跡城市晚近之士咸仰其高

風

余有珩字行玉崇正中貢生性穎異諸象緯知世將亂

隱居天花坪讀書不輟福藩在南中有珩當需次教

職避不就壽至八十餘

胡正南字佑秩歲貢生林泉嘯傲有隱君子風築別業

黃金巖怡情花木塵囂中未聞足迹也嗜飲酒酣論

千古人物獨具卓識年六十四臨卒閱執友鄭魯錫

詩云兒女債完書債了醉翁何日不神仙朗吟而遊

金誥字鳳脚監生素績學隱居又一村處父兄間自少

至老如一磊落慷慨不衫不履有莊列風吟句多從

性情流出著有樂園詩草

胡顯澍字靜庵監生績學敦行隱居松山誘掖後進不

倦年九十能作蠅頭細字著有願軒日抄摘錄世紀

水道樂律諸書並圖說子勝璐監生勝琦 恩貢生

六安州志

卷之三十九

隱逸

八